

Badan korporat raikan anak yatim

KUANTAN – Kerjasama Universiti Malaysia Pahang (UMP), Maktab Rendah Sains Mara (MRSM), Digi Telecommunication dan Badan Nadwah Islamiah Pahang (NADWAH) dalam menganjurkan Majlis Berbuka Puasa bersama anak-anak yatim harus dicontohi badan-badan lain.

Pengerusi Nadwah, Badrul Huzaini Mohd Yusof berkata, penganjuran majlis seperti itu dapat mengeratkan hubungan silaturahim antara masyarakat setempat dan 29 anak-anak yatim Permata Camar yang diketahui umum memerlukan kasih sayang dan perhatian masyarakat.

Katanya, usaha yang dilaksanakan badan-badan korporat dan golongan terpelajar itu akan mewujudkan masyarakat yang memiliki sikap prihatin terhadap nasib yang menimpa anak-anak yatim dan pada masa sama memperoleh keberkatan di bulan mulia ini.

“Jika diperhatikan, begitu banyak syarikat dan badan-badan korporat lain tampil menyumbang serta meraikan anak-anak yatim

pada bulan ini namun berbeza pula pada bulan-bulan biasa kerana mereka menganggap majlis seperti ini tidak sesuai dilaksanakan pada bulan-bulan yang lain.

“Tanggapan seperti ini perlu diubah kerana bantuan dan sumbangan kepada anak-anak yatim bukan sahaja boleh dilaksanakan pada bulan Ramadan sebaliknya pihak pengurusan Permata Camar sentiasa mengalu-alukan sumbangan daripada mana-mana pihak pada setiap masa,” katanya.

Beliau berkata demikian ketika menyampaikan ucapan rasmi dan juga penghargaan kepada lebih 100 tetamu yang hadir memeriahkan Majlis Berbuka Puasa yang diadakan buat pertama kali dan melibatkan kerjasama daripada beberapa badan korporat dan Universiti tempatan, dekat sini, kelmarin.

Menurut Badrul, amalan bersedekah di samping meraikan anak-anak yatim merupakan aktiviti yang digalakkan dalam Islam kerana ia bukan sahaja dapat menceriakan golongan berkenaan malah dapat membentuk serta



Anak-anak yatim gembira menerima sumbangan daripada badan-badan korporat sempena Majlis Berbuka Puasa yang diadakan di Permata Camar.

melatih masyarakat menjadi insan yang lebih pemurah.

Katanya, dalam menganjurkan aktiviti-aktiviti amal seperti itu, pengurusan Permata Camar tidak pernah mengabaikan penduduk Kampung Seri Chempaka yang sentiasa mem-

beri kerjasama, sokongan dan bantuan dalam setiap program yang dianjurkan.

“Dengan kerjasama masyarakat di sini, program yang dirancang dapat dilaksanakan dengan mudah malah anak-anak yatim yang di-
raikan akan rasa lebih dihargai,” katanya.